

卷肆

第廿八本

新
增
全圖足本醫宗金鑑

上海

局書新啟
行發



御纂醫宗金鑑卷四

編輯外科心法要訣

項部

腦疽

腦疽項正屬督脈左右偏腦太陽經陽正陰偏分難易治與癰疽大法同註
此疽有正有偏正屬督脈經入髮際名為腦疽俗名對口偏屬太陽膀胱經名
為偏腦疽俗名偏對口正腦疽係陽亢熱極而生其證多焮赤腫痛色鮮紅活
根束頂尖時痛時止督脈純陽起於尾閭上貫顛頂挾毒上升故易膿易腐易
斂多屬順證若偏腦疽係寒熱錯雜所生其證漫腫色暗平塌堅硬然足太陽
經外陽內陰從頭走足陽降陰凝難膿難腐難斂多屬逆證更有兼風濕者其
瘡根又易於散大旁流故順逆二證治法當辨別是癰是疽腦癰者皮薄易破
腦疽者皮厚難破初起有表證令人寒熱往來宜服荊防敗毒散有裏證令人
口脣焦紫大渴大便結燥宜服內疎黃連湯若瘡勢已成按癰疽腫瘍潰瘍門
大法治之

腦疽圖

腦疽生項後入發際正中屬督脈經



南京中醫藥大學圖書館版權所有

荆防敗毒散

荆芥

防風

羌活

獨活

前胡

柴胡

桔梗

川芎

枳殼

茯苓

錢各一

人參

甘草

分各五

薑三片水二鍾煎八分食遠

服寒甚加葱三枝

〔方歌〕荆防敗毒治初瘡憎寒壯熱汗出良羌獨前柴荆防桔芎枳參苓甘草

強

內疎黃連湯

見腫門

偏腦疽圖

偏腦疽生項後入髮際內傍開寸半屬膀胱與濕痺癰異



天柱疽

天柱疽生天柱骨上焦鬱熱蓄督經灸之有蛇方為順色黑形陷逆而凶(註)此疽生於項後高骨名天柱骨即大椎骨也疽之初起形如卧蠶由上焦鬱熱

天柱疽圖

天柱疽生項後大椎骨高尖處屬督脈經



蓄於腎脈以致肩背拘急極癢入骨宜於疽上以艾灸之若灸之有皴者順無皴者逆甚至色黑形陷血出不止潰爛神昏嘔噦惡心等證是為大凶其內外治法同腦疽

魚尾毒

魚尾毒生後髮角在左在右淺而輕膀胱濕熱七日潰膿出腫消痛自寧（註）此毒生於項後髮際兩旁角處由足太陽膀胱經濕熱凝結而發其毒或在左或在右皆屬輕淺初起宜荆防敗毒散膿將成宜服託裏排膿湯其外治之法同癰疽腫瘍潰瘍諸證

託裏排膿湯

當歸

白芍炒酒

人參

白朮炒土

茯苓

連翹心去

金銀花

浙貝母

各一錢去心

生黃耆二錢

陳皮

分八

肉桂

分六

桔梗

胸之上加一錢

牛膝

下部加八分

白芷

頂上五分加五

甘草

分四

薑一片水三鍾煎一鍾食遠溫服

〔方歌〕託裏排膿治潰瘡排膿消腫實稱強歸藥四君翹桂芷銀耆貝桔膝陳

良

荆防敗毒散

見腦疽

魚尾毒在項後髮際下兩傍角俗名燕尾即偏腦疽之小證也左右同

魚尾毒圖



百脈疽

百脈疽生腫色形引耳繞頸色紫紅痛熱不食氣逆嗽刺出膿吉血出凶
 此疽初發漫腫大小數塊環繞頸項其色紫紅痛熱不食氣逆嗽其發引耳
 十五日可刺遲則毒攻咽喉刺見膿者順見血者逆餘治法按癰疽腫瘍潰瘍
 門

百脈疽圖

百脈疽生遠項



中國醫藥大學圖書館藏

結喉癰

結喉癰發項前中肝肺積熱塞喉凶膿成若不急速刺潰穿咽喉何以生
此癰發於項前結喉之上又名猛疽以其毒勢猛烈也蓋項前之中經屬任脈
兼肝肺二經積熱憂憤所致腫甚則堵塞咽喉湯水不下其凶可畏若膿成不
鍼向內潰穿咽喉者則難生矣初宜服黃連消毒飲外敷二味拔毒散將潰調
治之法按癰疽腫瘍潰瘍門

黃連消毒飲

見頭部
百會疽

二味拔毒散

見腫
瘍門

結喉癰圖



結喉癰生項前頰下結喉處

夾喉癰

夾喉癰生喉兩旁肝胃毒熱發其瘡瘡與結喉癰同治尤嫌痰壅不時噎（註）
此癰一名夾疽生於結喉之兩旁屬足厥陰肝經足陽明胃經火毒上攻而致
其治法與結喉癰同

瘰癧

小瘰大癧三陽經項前頸後側旁生痰溼氣筋名雖異總由志忿鬱熱成更審
纏綿諸證治成勞日久不收功（註）此證小者為瘰大者為癧當分經絡如生
於項前屬陽明經名為痰瘰項後屬太陽經名為濕瘰項之左右兩側屬少陽
經形軟遇怒即腫名為氣癧堅硬筋縮者名為筋癧若連綿如貫珠者即為瘰
癧或形長如蛤蜊色赤而堅痛如火烙腫勢甚猛名為馬刀瘰癧又有子母癧
大小不一有重臺癧癧上堆累三五枚盤疊成攢有繞項而生者名蛇盤癧如
黃豆結萁者又名鎖項癧生左耳根名蜂窩癧生右耳根名惠袋癧形小多瘻
者名風癧領紅腫痛者名為燕窩癧延及胸腋者名瓜藤癧生乳旁兩胯軟肉
等處者名瘰癧癧生於偏身漫腫而軟囊内含硬核者名流注癧獨生一個在
頤門者名單窠癧一包生十數個者名蓮子癧堅硬如磚者名門門癧形如荔

夾喉癰圖

夾喉癰生結喉之兩傍



枝者名石癰如鼠形者名鼠癰又名鼠瘡以上諸癰推之移動為無根屬陽外
治宜因證用鍼灸敷貼蝕腐等法推之不移動者為有根且深屬陰皆不治之
證也切忌鍼砭及追蝕等藥如妄用之則難收斂瘰癧形名各異受病雖不外
痰濕風熱氣毒結聚而成然未有不兼恚怒忿鬱幽滯謀慮不遂而成者也有
外受風邪內停痰濕搏於經絡其患身體先寒後熱瘡勢宣腫微熱皮色如常
易消易潰易斂此為風毒也如防風羌活湯海菜丸揀擇用之有天時亢熱暑
濕偶中三陽經兼過食膏粱厚味釀結而成其患色紅微熱結核堅硬緩腫難
消潰遲斂遲此為熱毒也如升陽調經湯柴胡連翹湯雞鳴散隨證輕重揀擇

用之有感冒四時殺厲之氣而成其患耳項胸腋驟成腫塊宣發暴腫色紅皮熱令人寒熱頭眩項強作痛此為氣毒也如李杲連翹散堅湯散腫潰堅湯俱可因證治之有肝傷恚忿血虛不能榮筋其患核堅筋縮推之不移者此筋癰也初服舒肝潰堅湯次服香貝養榮湯治之有誤食汗液蟲蟻鼠殘陳水宿茶不淨之物其患初小後大累累如貫珠連接三五枚不作寒熱初不覺疼久方知痛此為誤食毒物也如楊氏家藏治療癰方法製靈雞蛋隨證虛實揀擇用之自愈其項後兩旁濕癰癰經屬膀胱寒水外感風邪與濕凝結漫腫疼痛皮色如常有日久將潰皮色透紅微熱痛甚其內外治法用藥總不宜寒涼初腫宜用附子敗毒湯外敷神功散將潰已潰俱按癰疽潰瘍內外治法用藥首尾得溫煖即效誤犯寒涼令人項背拘強瘡勢塌陷毒氣攻裏便瀉者逆但凡生癰癰者男子不宜太陽青筋暴露潮熱欬嗽自汗盜汗女人不宜眼內紅絲經閉骨蒸五心煩熱男婦有此後必變瘡勞俱為逆證難收功也

少陽經癰瘰圖

少陽經癰瘰左右同



太陽經濕癰瘰癧馬刀瘰癧圖



形如長蛤名馬刀瘰癧



太陽經濕癰瘰癧生髮際下與偏腦疽異



陽明經療癰圖

陽明經療癰其形大小不一連接數枚



重臺療癰圖

重臺療癰少陽陽明二經皆生此證



防風羌活湯 治風毒瘰癧初發寒熱者

防風

羌活

各一錢

連翹

二錢 去心

升麻

七分

夏枯草

五錢

牛蒡子

一錢 炒研

川芎

一錢

黃芩

一錢 酒浸

甘草

五分

昆布

一錢 酒洗

海藻

一錢 洗

僵蠶

二錢 炒

薄荷

一錢

水煎服

殭

〔方歌〕防風羌活驅瘰癧方 風毒發熱最為良 芩苓昆布翹蒡草 夏枯海藻薄荷升

海菜丸 治風痰瘰癧遠項而生無寒熱者常服消盡為止

海藻菜

蕎麥同炒 去麥不用

白僵蠶

微炒 去絲

以上等分為細末用白梅肉

泡湯為丸如梧桐子大飯後或臨卧時每服六七十丸米湯送下 兼忌魚腥

厚味

〔方歌〕海菜丸治風痰瘰癧海藻菜與白僵蠶 梅湯為丸如桐子米湯送下病可

痊

升陽調經湯丸 治熱毒瘰癧遠於項下或至頰車此證由陽明胃經中來也

若其瘡深遠隱曲肉低俱作塊子堅硬大小不等並皆治之或作丸服亦可

升麻

八錢

連翹

去心

龍膽草

酒炒

桔梗

黃連

去鬚 酒炒

京三稜炒酒

葛根

甘草各五錢炙

知母酒洗

廣莪朮各一兩酒炒

條黃芩六錢酒洗

黃蘗七錢去粗皮酒炒

以上一劑稱一半為細末蜜煉為丸如梧桐

子大每服一百丸或一百五十丸一半研粗末每用五錢若胃強能食大便乾燥者可旋加至七八錢用水二鍾先將粗末浸半日煎至一鍾去渣熱服服時仰卧伸脚置高處去枕頭噙藥一口作十次嚥之一鍾將喫完可留一口將丸藥送下服藥畢卧如常此治法也

〔方歌〕升陽調經醫毒熱項煩療癰堅如鐵升葛甘苓知藥稜黃連膽草翹茂桔

柴胡連翹湯 治男婦熱毒馬刀療癰兼氣寒血滯經閉等證

柴胡

連翹心去

知母酒炒

黃芩各五錢炒

黃蘗酒炒

生地

甘草各三錢炙

瞿麥穗六錢

牛蒡子二錢炒研

當歸尾一錢五分

肉桂分三

共研粗末每服三錢或五錢水二大鍾煎至一鍾去渣食後

熱溫服

〔方歌〕柴胡連翹醫療癰馬刀血滯與經閉黃苓牛蒡歸藥知瞿麥肉桂甘生

地

雞鳴散 治療癰疼痛及熱毒桔核或多煩悶熱而不寒者

黑牽牛

雨一

胡粉

定一錢即粉

生大黃

錢二

朴硝

煉成粉者三錢

以上共為細

末每服三錢雞鳴時井花水調服以二便利為度如未利再服

方歌

雞鳴散治療癰疼痛結核煩悶熱相乘粉牽硝黃為細末井水調服便利

通

李杲連翹散堅湯

治氣毒癰癰耳下或至缺盆或至肩上生瘡堅硬如石推

之無根者名馬刀瘡從手足少陽經中來也或生兩脅或已流膿或未破並

皆治之

當歸

洗酒

連翹

心去

莪朮

炒酒

京三棱

酒各五錢炒

土瓜根

炒酒

龍膽草

各一兩洗

柴胡

二錢

黃芩

生用一兩二錢一半酒炒

炙甘草

六錢

黃連

炒酒

蒼朮

各三錢炒

赤芍藥

錢一

以上一半為細末煉蜜為丸

如梧桐子大每服一百丸或一百五十丸一半研粗末每用五錢水一鍾八

分先浸半日煎一鍾去渣熱服臨卧頭低脚高去枕而卧每口作十次嚥之

留一口送下丸子服畢如常安卧

方歌

李杲連翹散堅湯氣毒癰癰馬刀瘡歸芍柴苓棱莪草土瓜龍膽黃連

蒼

舒肝潰堅湯

夏枯草

殭蠶 錢各二 炒

香附子 酒 炒

當歸

石決明

各一錢 五分 煨

白芍 醋 炒

陳皮

柴胡

換芍

穿山甲

錢各一

紅花

片子薑黃

甘草 各五 分生

引燈心五十

寸水三鍾煎一鍾食遠溫服

便燥者加乳香一錢

便澇者加煨牡蠣一

錢

〔方歌〕舒肝潰堅湯開鬱筋癰石疽柴決當夏枯陳蠶香附撫紅花芍草甲薑

黃

散腫潰堅湯

治氣毒癰癰一切馬刀結硬如石推之有根者如證從耳下串

至缺盆或至肩上或至脇下者皆屬手足少陽二經所發也若癰癰偏生顏

或至頰車堅而不潰者屬足陽明經所發也或二證已破及流膿水者並皆

治之服藥多少臨證斟酌量病人飲食多少大便軟硬以意消息之

柴胡梢 四

龍膽草 酒 炒

黃蘗 去粗皮 酒 炒

知母 炒

花粉

昆布 去土 酒 炒

桔梗 各五 錢

甘草根 炙

京三棱 酒 炒

廣莪朮 酒 炒

連翹 心去

當歸 各三 錢

白芍 酒 炒

葛根

黃連 各二 錢

